

復續沁州志序

沁郡志自乾隆辛卯

重修後迄今百有餘

年矣時值承平無水

旱之災兵革之擾地

方無事故積久無所
記載然

國家政教修明凡所以
化民成俗之道無不
美備民之漸摩濡染

既深且久於是風氣
日開士民以誦讀爲
先婦女以廉恥爲重
科名繼起節孝時聞
蓋亦有不容泯滅者

況光緒三四年間疊
遭大旱歷秋冬春三
時之久未霑雨澤禾
稼皆枯二麥未種哀
鴻徧野餓莩載道誠

二百年來未有之奇

變也乃蒙

列憲惠政稠疊無微

不至

國家

恩澤有加無已沁民實慶
再生尤當載之簡編
以垂後世爰刪煩舉
要條列於後爲續志
四卷若夫繁稱博引

前志已備茲不重贅

光緒六年十月

知沁州事固陵吳承

恩謹序

沁州復續志卷之一

郡守固始吳承恩子復甫續修

公署

公署之設關係重大前志言之詳矣茲不煩贅惟年
歲久遠不無傾圯規模依舊塗墍惟新所有本州衙
署以及考院書院倉廩屢經官紳修葺重建凡以宣
政教廣積儲者不可沒也復志公署

州

乾隆五十年知州恩福重修

大堂五間

二堂五間

乾隆五十八年知州鳴鐸重修

大堂內外

道光四年知州惠馨重修

花廳院得樹軒

咸豐九年知州李廷樟重修

大門內外

咸豐十一年署知州俞銘重修

戒石坊一座

大門三間

二門三間

東西房科十二間

同治八年知州李採丹新建

書房五間

內宅門樓一座

花廳門樓一座

廚房五間

內院南房三間

圍牆五十餘丈

同治八年知州李採丹重修

上房五間

東廡房三間

西廡房三間

南房二間

大花廳三間

花廳院西房五間

二堂前門房三間

正房後神樓三間

拜殿一間

二堂五間

西門房四間

上房西頭套房二間

內院門外東西房六間

二堂前門樓一座

門房二間

二堂後門樓一座

考院

嘉慶六年知州劉徵泰創建二十餘楹拆建十餘楹
道光二十二年知州穆克德起重修

穿廊五間

東西號舍四十八間

轅門二座

月臺一處

大堂五間

二堂五間

上房五間

東西廂房各三間

照壁一座

鼓樂亭二間

引路一道

圍牆數十丈

書院

道光二十二年知州穆克德起重修

講堂三間

東西耳房各二間

東西廂房各三間 東西下廂房各三間

外院東西房各三間

大門二門各一間 內院屏門一座

南房四間

偏院一所 正南房各三間

倉廩

常平倉嘉慶七年知州惠馨重修

同治八年知州李採丹

重建大盈廩七間

同治十一年知州王桂林重修

成字廩三間

光緒六年現任知州吳承恩凡廩之傾頽滲漏者一
並重修

義倉四 一在州治西 一在漳源鎮 一在郭村

一在故縣鎮

社倉十五

一在西街城隍廟

一在段柳

一在小王

一在古城

一在松交 一在故縣鎮 一在桂林交 一在蘇山 一在開村 一在郭村 一在端村 一在漳源鎮 一在里庄

武鄉縣

洞門鼓樓 道光乙巳邑侯劉公 新建

曠然樓 光緒五年知縣吳匡重建

照壁 建置始末詳縣志